

UPN eta HB kontra izango ditu Gabriel Urralburuk gaurko bozketan ere / 6



Lurralde okupatueta asentamenduak uzteko eskatuko diote Estatu Batuek Israeli / 18



Almandoz, Askatuakeko lehendakaria: «Niretzat kontraesana da babes modu hau onartzea» / 22

EUSKALDUNON

Egunkaria

Larunbata, 1991ko abuztuak 10 / II. urtea / 210. zenbakia / Salneurria: 75 pta. / 4,5 libera

KIROLA

Txirrindularirik onenak Donostiako Klasikan

Gaur goizeko hamaika t'erdietan abiatuko da Donostiako Txirrindulari Klasika. Partehartzaileek, munduko ziklistarik onenak, 238 kilometro egingo dituzte Gipuzkoan Donostiako Boulebarreko helmugara iritsi aurretik. / 20-21

Kroazia prest dago serbiarrekin negoziatzeko

Kroaziako Gobernuak prest dago bertako gutxiengo serbiarrekin negoziaketak egin hasteko, baina bere lurralde osotasuna zalantzan ipintzen ez den bitartean. Kroaziako lehendakariordeak atzo adierazi zuenez, «Kroaziak edozer gauza egingo du bakea lortzearren» eta serbiarrekin hitzegun behar bada hala egingo dute. Dena den, defentsarako ere prest daudela adierazi zuen lehendakariorde kroaziarrak. / 17

Bonba bat lehertu zen La Riojako gobernu egoitzan

La Riojako Gobernu autonomoaren egoitzan, Logroñon, bonba-pakete batek ez-tanda egin zuen atzo. Bi kilo amonal zituen lehergailuaren eztandak lau lagun zauritu zituen arin eta kezka bizia sortu zuten La Riojako Gobernu etxean, inoiz mehatxurik edo antzerako ekintzarik ez baita izan bertan. Poliziak ez zuen argitu ez paketearen jatorria ezta noiz zen ere. / 16

Gipuzkoarrak dira faboritoak Euskal Herriko traineru Txapelketan

Traineru gipuzkoarrak dira faboritoak gaur Donostian jokatuko den Euskal Herriko Txapelketan. Lehian ihardungo duten hamabi traineruen artean Pasai Donibane, San Pedro, Orio eta Arraun Lagunak dira alde handiz indartsuenak. Gipuzkoako Txapelketan Donostian gertatu zen bezala, itsasoaren egoerak zerikusia handia izan dezake azken emaitzan. / 21

Konponbidera heldu dira Diputazioa eta Lurraldea

Autobideko Gipuzkoako trazaketa aldatzeko adostasuna lortu dute


Irurtzun-Andoain autobideko Gipuzkoako zatiaren trazaketa aldatu egingo da, Eli Galdos diputatu nagusiak eta Lurraldea koordinakundeko ordezkariak hitzartutako proposamena Gipuzkoako Batzar Nagusiek onartzen badute. Bi aldeek kontsentsuaturako trazaketa berria, A-4 alternatiba, Foru Aldundiak lehen aztertu eta atzera bota zituenetakoa da. Trazaketa berri honek ere Leitzarango bailara ukitzen du, baina lauzpabost kilometrotan bakarrik. Batzar Nagusiek onetsitako proiektu ofizialak 11 kilometrotan zeharkatzen du Leitzarana.

Atzokoa «egun garrantzitsua» izan zela esatean bat etorri ziren Eli Galdos eta Jonan Fernandez, Lurraldeko bozeramalea, goizean egin zuten bilera eta gero egin zituzten prentsaurrekotan. Bileraren ondoren Batzar Nagusietako bozeramaleekin —HBkoa salbu— bildu zen Galdos, eta Jose Luis Elkoro HBkoa hartu zuen gero bere bulegoan.

Eli Galdosek «gipuzkoarren arreta zuen gatazka irtenbide demokratiko baten bidean» dagoela esan zuen, eta «Lurraldearen ahalegina» eta «adostasunera heltzeko borondatea» goraiatu zituen. Bere jarrerari dagokionez, «politikarien zeregina, bide demokratikoak erabiliz, gatazka konpontzea» dela adierazi zuen Diputatu Nagusiak.

Atzoko aurreakordioak mugimendu sozialentzat duen garrantzia nabarmendu zuen Jonan Fernandezek, «urte hauetan defendatu dugun elkarrizketaren bidezko konponbidearen tesia bermatzen delako».

Lurraldea Koordinakundeak eta Gipuzkoako Diputazioak lortutako adostasuna oso positibotzat jo zuten Herri Batasunak eta Eusko Aalderdi Jeltzaleak. EAK aldiz, «irtenbide hau ETaren mehatxuari makurtzea» dela adierazi zuen. PSE-PSOEek ez zuen kontrako iritzirik agertu, eta aztertu beharra dagoela esan zuen. / 4-5



TRAZAKETA berriak lauzpabost kilometrotan ukitzen du Leitzarana bailara (proiektu ofizialean baino 7 gutxiago) Tolosa aldera hurbiltzen da Berastegi eta Elduaiengo lurretatik barrena.

ALDERDIEN JARRERAK

EA Adostasuneko irtenbide hau ETaren mehatxuari makurtzea da. Paktuko alderdi guztientzat proiektu ofiziala zen onena. Horregatik onartu zen. Orain aldatu egin badute, Lurraldeak ETaren babes duela duelako da»

PN Itzaropentsua da lortutako adostasuna. Estukeria eten eta gizarte mugimenduen eragina nabarmendu da. Garaipen herrikoia izan da hau».

PS Oso positiboki baloratzen dugu Lurraldearen jarrera aldaketa. Araxesetik Leitzarana etorri dira. Oso positiboa da lortutako adostasuna».

EA Garrantzitsua da alderdi guztien arteko adostasuna mantentzea. Proposamen berria aztertu egin behar da. Hildako gehiago ez dela izango esan nahi badu, baloratu beharra dago».

EIE Autobidearena obra bat baino gehiago baldin bada, alderdiek adostasuna zaindu beharra daukagu. Alde bateko aldaketa hauek ez dute laguntzen adostasuna mantentzen».

Partido Popular Horrelako gaiak Batzar Nagusietan erabaki behar dira eta ez pasilloetan».